




度支奏議

堂稿
卷之二十



度支奏議卷之二十

太子太保戶部尚書淄青畢自嚴視草

痰暈陡發フ勢帖レ疏

奏爲痰暈陡發病勢帖危懇乞

天恩給假調理事臣自嚴一介草茅至愚極陋仰荷
聖明優容竊祿四十餘年頃以桑榆暮景待臯計曹
又已五載汲深綆短自知甚明先是屢疏乞休
輒奉

天恩慰留責以大義臣

捫心惶汗犬馬戀主匪

第義無所逃。真自情不容恕。用是不顧衰憊。努力供職。所謂一息尚存。此志不容少懈者也。數月以來。拮据部務。蚤入晏出。率以爲嘗。但臣素患痰火眩暈。兼苦下部酸軟。每遇

朝祭大典。惴惴以傾覆爲慮。忍死強支。幸未失儀。頃以關寧薊密等處兵馬錢糧經制奉

旨。合奏督撫查報。已到兵部會議再三。不容更緩。每日公同司官劉鎬謝肇玄督率吏書磨勘銷筭。具疏題覆。甫獲脫稿。正畫題繕寫間。二十四日

酉刻。出署。纔自火。具行至後堂。陡爾昏暈仆地。不省人事。班役扶掖灌救。良久方醒。乃始攙扶歸寓。又復昏暈如前。家人輩驚慌啼泣。急延醫官韓恭伯診視。投以搜風化痰湯劑。終苦頭目昏眩。手足麻木。幾不知四大之爲我有。而計務之尚在其躬也。延至次早。連進前藥。猶覺手不能執筆。足不能履地。蓋臣以踰六望七之年。勉撐持不謂一蹶不振。如此力疾弗克入部內。省倍覺瘵官。輒用哀籲。

聖明乞假調理萬一稍有起色卽圖鞠躬盡瘁若果
病入膏肓再容叩

聞乞骸臣病因中口占具奏萬冀

天恩俯俞殘喘幸甚臣自嚴可任隕越待

命之至

崇禎五年二月二十六日奏本月二十九日奉

旨時艱甚劇兵食方殷卿以勤練持籌屢旨自悉

正當一意急公何得輒懷弛鉅着卽出視事不必

請假該部知道欽此

積痼難痊丁臆可疏

奏為積痼難痊恭臆可虞報

主有心延生無計懇祈

聖明矜憐允放以無重誤

國計事頃臣自嚴於本月二十四日薄暮陡中風

痰昏迷二次延醫救治良久方醒隨於二十六

日具疏請假調理言念

君恩浩蕩涓滴未酬猶冀微倖小愈駑馮自効不謂

數日以來頭目昏眩如在雲霧強起視事旋卽

及三表請
三
傾仆臣始自歎此身已矣不復再堪鞭策矣逮二十九日見邸報臣前給假疏奉

聖旨時艱甚劇兵食方殷卿以勤練持籌屢旨自悉正當一意急公何得輒懷弛卸着卽出視事不必請假該部知道欽レ竊念臣昏眊已甚辜過已深幸荷

聖明包荒得追斧鑕無柰衰病侵尋大慮曠鰥勤練之稱實非臣所克堪也弛卸之念尤非臣所敢萌也正爲時艱身瘁亟須引退以避賢路豈緣

聖與會慈希圖自便而昧急公レ伏枕跼蹐五

內慄慄若果有此真罪不容於死レ惟是臣本

豎儒力綿任鉅レ玷計曹心血盡枯以故元氣

涸殘肢體困憊膏肓之疾一發而不可救藥連

日延醫診視僉謂標本俱病氣血兩傷委非一

朝一夕之積卽今痰涎壅盛嗽聲不絕床褥呻

吟痠痺已著臣誠質質自失且惴惴知懼也今

日何時主計何官非得精明強幹之身決難勝任如臣真衰真病人所共見共聞尚可嘗試而

漫爲乎蓋葵心向日何忍輕棄於

清時而蒲質經秋莫能自必其殘喘微臣雖欲再竭

犬馬之力而已萬萬不能矣

皇上雖欲收臣桑榆之效而亦萬萬無望矣臣平日

顧軍

國不服顧性命今日悞性命且以悞軍

國之得崇禎四年閏十一月內戎政尚書閔夢得

因患痺疾乞休荷蒙

聖恩允放回籍今臣病證相同而又過之伏乞

聖明一視同

矜憐允放

早擇英賢料理計務臣雖盡先朝露猶瞑目無憾也

自嚴可勝哀額懇禱之至

崇禎五年三月初一日具

奏本月初日奉

旨前旨諭卿已明何復有此奏若時事艱虞大臣

輒托疾規卸更望何人幹濟着卽出視事不得再

陳該部知道欽此

遵 旨再估西協撫賞貨物疏

題爲撫賞已經實查謹據數彙冊隨併撫物

進呈

御覽以憑

聖裁事崇禎五年二月十一日戶科抄出該本部會

同兵部尚書熊明遇及戶兵科都給事中玄默

等題會估西協撫賞貨物價值緣繇等因崇禎

五年二月初九日奉

聖旨貨物濫惡無裨實用乃會估與原價不甚相遠

且稱新置尚恐不足何以清釐冒破還着再行核
估確議具奏欽此欽遵抄出到部該臣等於二月
十六日復會同兵部尚書熊明遇戶科都給事
中玄默給事中朱又煥兵科都給事中汪始亨
給事中黃紹杰齊集

東朝房將西協賞物喚集原估牙行人等逐一覆
估除稍堪者照前估無異外再詳揀粗舊等貨
重加減估該臣等看得嚴核賞弊確估物價臣
等看議前疏業具陳大端矣今因會估與原價

下其相違及有新置尚恐不足一語似與清釐
未協奉

旨再行核估敢不仰體

聖明飭邊至意蓋臣等書生止能辨物美惡未必盡
諳時價會估之日悉聽牙行人等驗估確報臣
等分單酌定有減無增彼時牙行揀呈舊錦通
衣等件稱其袖小色淡實價止值如許若論未
縫色鮮之時原價亦不能買臣等驗以爲然故
前疏云不敢輕徇浮估以縱貪委之賤削者爲

舊物難冒實價也又云不敢刻意減估以遺承
買之後艱者慮減價難買新貨也會估事尚核
價故直據牙行所報斟酌於新舊之值誠恐日
後奸委反藉減價仍易相惡故詳舉以入

昔原爲疆事却慮非爲侵冒開端然亦本協賞物委
較他鎮稍堪視前宜鎮及今中協所進實有差
等臣等於別項會估未常不嚴爲減削也謹將
今次改估物價開列于後蓋幾無餘地矣
計開

白馬關

金段一疋前估一兩三錢今再四審估絲
粗又減二錢實值一兩一錢

紅布一疋前減估價一錢今估與前無異
天青段一疋前減估價一兩二錢今估與
前無異

白布一疋前減估價六分五釐今估與前
無異

金裙一條前估價七錢今估與前無異

青布一疋前減估價九分今估與前無異

藍布一疋前減估價七分今估與前無異

段裙一條前減估價五錢今估與前無異

羊皮金一張前減估價三分今估與前無異

異

通衣一件前減估價五兩今再四審估舊

又減五錢止筭四兩五錢

黑峪關

大金段一疋前減估價一兩七錢今估絲

粗又減一錢實止筭一兩六錢

二等通袖一件前減估四兩五錢今再四

審估袖小太舊又減五錢止筭四兩

金裙一條前減估價六錢今估與前無異

白粗布一疋前減估價五分今估與前無異

異

金裙一條前減估價八錢今估與前無異

金裙一條前減估價五錢今估與前無異

青紬布一疋前減估價九分今估與前無異

異

藍粗布一疋前減估價六分五釐今估與前無異

三等通袖一件前減估價三兩今估與前無異

一等通袖一件前估七兩今再四審估絲粗又減五錢止筭六兩五錢

潮河川

色段一疋前估價三錢今估與前無異

小金段一疋前估價一兩今估與前無異
遍地金一疋前估價一兩二錢今估與前無異

藍粗布一疋前估價六分今估與前無異
帽段一疋前估一兩二錢今再四審估絲粗又減二錢止筭一兩

金衣一件前估價五兩今估與前無異

貂鼠皮一張前估價五錢今估與前無異

白綾一疋前估一兩二錢今再四審估絲

單有粉薄又減二錢止筭一兩

水獺皮一張前減估價二錢今估與前無

異

補段一疋前估一兩八錢今再四審估舊

又減二錢止筭一兩六錢

白粗布一疋前減估價五分五釐今估與

前無異

金裙一條前估價八錢今估與前無異

紅布一疋前減估價九分今估與前無異

色紬一疋前估一兩一錢今再四審估薄

又減一錢止筭一兩

狐狸皮一張前減估價一錢今估與前無

異

色裙一條前減估價三錢今估與前無異

紅褐一疋前估七錢今再四審估粗又減

一錢止筭六錢

大水峪

補衣一件前估價八錢五分八釐三毫零

今估減去八釐三毫

金裙一條前減估價六錢今估與前無異
色裙一條前減估價二錢今估與前無異
通衣一件前減估價三兩今估與前無異
漂白布一疋前減估價一錢二分今估與
前無異

白粗布一疋前減估價八分今估與前無異

花絹半疋前估價二錢二分五釐今估與

前無異

白平機布一疋前估價二錢今估與前無異

大天青段一疋前估七錢今再四審估短
又減一錢止筭六錢

遍地金一疋前估二兩七錢一分今再四
審估舊又減三錢止筭二兩四錢一分
大京藍布一疋前估價二錢二分今估與
前無異

藍乾機布一疋前減估價一錢三分今估
與前無異

小京藍布一疋前估價一錢五分今估與
前無異

筒青布一疋前估價一錢二分今估與前
無異

紅乾機布一疋前估價一錢五分今估與
前無異

紅素段一疋前估價三錢五分今估與前
無異

崇禎五年三月初五日具

題本月初九日奉

聖旨這撫賞貨物覈估價值依議其以前置買經手
何人着監視查明職名照數追補據實具奏欽此

臣病實深聞命增懼疏

奏爲臣病實深聞

命增懼謹遵

旨力疾勉出以明分義事○照臣以桑榆暮景久困
馳驅邇者中痰二次病勢萬分阽危

國計萬分難任臣不得已叩

關哀籲仰冀

聖明矜憐允放頃於三月初一日具有積痼難痊一
疏本月初四日奉

聖旨前旨諭卿已明何復有此奏若時事艱虞大臣
輒托疾規却更望何人幹濟着卽出視事不得再
陳該部知道欽此臣捧誦再四惶悚無也夫平居
而竊祿時艱而掉臂則不忠不敬莫大乎是有
臣如此將安用之審果若斯何辭斧鑕但臣年
齒向頽二豎相侵痰喘交攻一病垂死昕夕昏
暈如墮雲霧方今時事倥偬稍遲一刻則立誤
機宜頭緒紛紜稍乖一著卽坐基事變似此形
神狼狽何能曲計盈縮深媿鈍頑久妨賢路蚤

計

國以罷臣無羈臣以誤

國實區區下願也迺蒙

聖慈優渥

明綸渙頒惕以艱虞責以規卸似謂老馬尚可識途
不忍餘生遽爾填壑臣揣力業已殫竭而枯詞
實難再瀆蓋

恩重如山卽捐糜何足言報而義等逃爾將軀命轉
見爲輕臣於此時雖病危而不敢言病雖宜去

而不敢言去、稍幸杜門以來、荏苒旬餘、藥裹時
親畧有起色、只得力疾竭蹶謝

恩入部、若其微倖小愈、或可勉支數月、時事少寧、再
圖乞骸萬一大命近止、溢先朝露、要畢微臣致
身之義而止、今固難以預料也、丁自嚴可任惶
悚、隕越之至

崇禎五年三月初六日具

奏本月初九日奉

旨覽卿奏、已遵旨視事、具見恪慎、邊計方殷、還恣
小詳籌節裕長策、以資撻伐、用付委任、前部知道

欽此

會估薊鎮中協撫賞貨物疏

題爲恭報查過撫賞銀兩貨物事崇禎五年二月初一日戶科抄出監視薊鎮中協太監王之心題前事等因崇禎五年正月三十日奉

聖旨這查過歷年撫賞銀貨數目知道了各委侵欠的着該撫按嚴提追比貨物不堪的仍挨查經手責令陪補三年分撫賞何故二年預發致有陷失兵部又何故多發且庫折至四百餘兩脩工豈無額設應否動支賞銀節剩銀兩卽宜還庫何故任



PR-19

婪委侵用通着查核明白具奏見貯貨物轉移西
協該部卽與議覆所進段布等項併同該科確估
來說該衙門知道欽此欽遵抄出到部除提追各
委侵欠挨查經手責陪及預發多發撫賞等項
聽監視撫按各衙門遵

旨查核具奏外其轉移賞貨并會估物價係臣部議
覆謹遵

旨于二月十六日會同兵部尚書熊明遇戶科都給
事中玄默兵科都給事中汪始亨齊集東朝房

戶一疋估減三分

紅布一疋原價一錢一分五釐長一丈八尺

潤九寸估減三分五釐

白布一疋原價七分長一丈四尺潤一尺估
減三分

毛青布一疋原價一錢二分七釐長一丈八
尺潤九寸估減四分七釐

鐵青布一疋原價一錢五分長一丈八尺潤
九寸估減六分

崇禎五年三月十一日具

題本月十四日奉

聖旨這估減賞物價值知道了卽着該撫同監視嚴提婪委將冒價照數追賠其與西協轉移貨值依議行欽此

會估山西撫賞貨物疏

題爲遵

旨會查撫賞事崇禎五年正月二十二日戶科抄出
監視山西太監劉允中題前事等因崇禎五年
正月二十一日奉

聖旨這查過撫賞貨物數目知道了其低假朽爛等
物歷來司道糧廳不行稽覈顯屬通同侵冒豈獨
各委之罪着會同撫按挨查年分記號責令原委
勒限補償仍將司道糧廳職名明開奏奪不許隱

漏所進段疋皮張該部科詳估確議來說該衙門知道欽此欽遵抄出到部除提追各委侵冒挨查年分記號責令陪補其司道糧廳各官職名明開奏

奉聽監視撫按各衙門遵

旨查核具奏外該臣部謹遵

明旨會同兵部尚書熊明遇戶科都給事中玄默給事中朱又煥兵科都給事中汪始亨給事中黃紹杰齊集

東朝房將山西鎮賞物與集崇文門牙行人等公同驗估計丈尺并酌質料復辯舊新于再三權度之中寓稱物平施之意內有無容議減者因原質既真其有可應減者雖錙銖必較程量悉秉于公虛既難掩今日衆人之目吹求總期于核實并足服當日領委之心今將估過賞物數目及減價緣繇開列上

聞恭候

命下移文該鎮督撫監視衙門將浮冒價值照數追

陪入官庶婪委懲而邊政肅矣

計開

上頭號蟒段一疋顏色大紅長四丈濶一尺
七寸原價九兩五錢五釐今估價值無異
頭號南京蟒段一疋係玄色長四丈濶二尺
原價九兩六錢今估值八兩六錢計減一
兩

頭號蟒段一疋係木紅色長三丈五尺濶一
尺八寸原價七兩四錢九分八釐今估值
六兩四錢九分八釐計減一兩

次號蟒段一疋係木紅色長三丈二尺濶一
尺八寸原價三兩九錢七分二釐九毫八
絲今估值三兩三錢計減六錢七分二釐
九毫八絲

遍地金段一疋係木紅色長三丈濶一尺六
寸原價一兩七錢三分四毫今估值一兩
五錢計減二錢三分四毫

金段一疋係天青色長三丈濶一尺八寸原

價二兩一錢九分四釐九毫七絲今估值

一兩八錢計減三錢九分四釐九毫七絲

上段一疋係木紅色長二丈七尺濶一尺七

寸原價一兩四錢一分七釐五毫五絲今

估值一兩三錢計減一錢一分七釐五毫

五絲

中段一疋係木紅色長二丈五尺濶一尺六

寸原價七錢九分二釐八毫一絲今估值

六錢五分計減一錢四分二釐八毫一絲

八段一疋係木紅色長一丈八尺濶一尺八

寸原價四錢一分一釐三毫今估值四錢

計減一分一釐三毫

粧花女衣一件係紅遍地金襖段長二丈七

尺濶一尺七寸原價一兩三錢二分一釐

六毫今估值一兩二錢計減一錢二分一

釐六毫

粧花綠裙六幅濶一尺七寸原價一兩三錢

二分一釐六毫今估值一兩三錢計減二

分一釐六毫

頭號水獺皮一張原價八錢八分今估値五錢計減三錢八分

二號水獺皮一張原價七錢八分今估値四錢五分計減三錢三分

三號水獺皮一張原價五錢一分二毫今估値三錢五分計減一錢六分二毫

崇禎五年三月二十二日具

題本月二十六日奉

聖旨這山西鎮撫賞物價既經覈估俱依議即着該督撫同監視遵旨嚴提各委照數追補具奏欽此

會估大同撫賞貨物疏

題爲恭報盤查過撫夷銀兩段布器物等件見在
數目事崇禎五年正月二十日戶科抄出監視
大同鎮糧餉兵馬邊牆撫賞等事御馬監太監
劉文忠題前事等因崇禎五年正月十九日奉
聖旨這查過庫貯賞夷銀貨數目知道了據稱冊內
所開諸物粗惡不堪顯有侵冒情弊俟撫賞冊卷
磨勘完日通行覈筭具奏今後置買貨物務選擇
廉幹不許輕徇濫委其驗收給發俱着該撫會同

監視嚴加稽覈如有冒價濶支等情盡法重治這
所進段疋等物該部科詳估確議來說該衙門知
道欽此欽遵抄出到部除行該撫今後務擇廉幹
委買并會同監視衙門驗收外其
進呈貨物臣等遵

旨會同兵部尚書熊明遇戶科都給事中玄默給事
中朱文煥兵科都給事中汪始亨給事中黃紹
杰齊集

東朝房將大同鎮賞物傳喚崇文門牙行人等公

一驗看大抵貨質之失真總繇出入
之多弊在委官領價之時既先居爲奇貨及驗
收給散之際又陰飾其侵欺狐鼠因緣爲奸疋
硃何難類玉積習相沿已非一日

皇上遡流窮源懲前毖後此後置買委用務公選廉
幹之使則諸奸鑽營之路已窮收發查驗要悉
歸執法之地則宵小通同之途并塞煌煌

明旨照徹淵微從此稽查旣密出入一清冒濫可無
虞矣今將所估賞物詳核新舊顏色丈尺及應

慶元奏議
減分數與照舊緣繇開列上

聞恭候

命下移文該督撫監視衙門將浮冒價值照數追陪
入官庶婪委懲而邊政肅矣

計開

官綠蟒段一疋長四丈濶一尺八寸原價一
十二兩今估値一十兩計減二兩
木紅蘇金段一疋長三丈濶二尺原價一兩
七錢今估値一兩三錢計減四錢

蘇州織金女袍一疋長三丈五尺濶二
尺原價四兩今估値三兩五錢計減五錢
木紅錢羽段一疋長三丈濶一尺八寸原價
一兩三錢今估値一兩一錢計減二錢

徧地金抹絨粧花襖一疋長二丈八尺濶一
尺七寸原價二兩二錢今估價值無異
徧地金抹絨粧花女裙一疋計六幅原價二
兩二錢今估價值無異

大紅金錢羽段一疋長三丈濶一尺八寸原

價二兩今估價值無異

木紅上兼段一疋長三丈濶二尺原價二兩
今估價值一兩八錢計減二錢

木紅二兼段一疋長三丈濶二尺原價一兩
九錢今估價值一兩七錢計減二錢

木紅次官段一疋長二丈濶一尺六寸原價
九錢四分今估價值六錢計減三錢四分

白綾一疋長二丈濶一尺七寸原價一兩三
錢三分今估價值八錢計減五錢三分

木紅得地金粉段一疋長二丈五尺濶一尺
六寸原價一兩六錢今估價值無異

木紅真遠段一疋長三丈濶一尺七寸原價
九錢今估價值八錢計減一錢

木紅粉段一疋長一丈八尺濶一尺六寸原
價五錢今估價值一錢五分計減三錢五分

木紅摺羽段一疋長三丈濶一尺八寸原價
二兩今估價值無異

木紅唐錢羽段一疋長三丈濶一尺八寸原

價一兩六錢今估價值無異

木紅正次長頭段一疋長三丈濶一尺六寸

原價一兩二錢七分今估價值一兩二錢計

減七分

紅閃綠襍兼絨段一疋長三丈二尺濶三尺

原價二兩今估價值無異

雜色段一疋長三丈二尺濶一尺八寸原價

一兩八錢今估價值一兩七錢計減一錢

玄青金段一疋長三丈濶一尺八寸原價三

兩三錢今估價值三兩計減三錢

木紅二邊段一疋長一丈八尺濶一尺五寸

原價七錢今估價值四錢計減三錢

木紅大潞紬一疋長二丈五尺濶一尺五寸

原價一兩六錢八分今估價值無異

木紅中潞紬一疋長一丈八尺濶一尺三寸

原價八錢四分今估價值七錢計減一錢四

分

上號藍梭布一疋長一丈八尺濶一尺二寸

原價一錢二分今估價值無異

紅青梭布一疋長一丈七尺濶一尺原價一錢五分五釐今估價值一錢二分計減三分五釐

烏青梭布一疋長一丈七尺濶一尺原價一錢一分五釐今估價值一錢計減一分五釐

藍梭布一疋長一丈六尺濶一尺原價一錢一分今估價值六分計減五分

白梭布一疋長一丈六尺濶一尺原價一錢一分今估價值一錢計減一分

桃紅梭布一疋長一丈六尺濶九寸原價一錢六分今估價值一錢二分計減四分

木紅褐一疋長三丈濶一尺四寸原價六錢今估價值無異

茶葉一包原價八釐今估價值無異

襪色絲線一斤原價八錢秤止十兩今估價值二錢八分如一斤估價值五錢

曲沃布一疋長二丈濶九寸原價一錢今估

值六分計減四分

羊皮金一張原價四分今值價值無異

虎皮一張原價二兩毛全爪無今估價一兩
五錢計減五錢

豹皮一張原價二兩毛脫今估價四錢計減
一兩六錢

頂號水獺皮一張原價九錢九分今估價四
錢五分計減五錢四分

頭號水獺皮一張原價九錢五分今估價四
錢三分計減五錢

二號水獺皮一張原價八錢五分今估價三
錢五分計減六錢

次二號水獺皮一張原價七錢六分今估價
二錢五分計減五錢一分

黃號水獺皮一張原價五錢今估價六分計
減四錢四分

狐皮一張原價二錢九分今估價二錢計減
九分

崇禎五年三月二十二日具

題本月二十六日奉

聖旨這大同撫賞物價既經會估明白依議行該督撫會同監視嚴追浮冒不得延縱欽此

臣奏徐日曦開復認罪疏

奏爲遵

旨回奏乞

恩認罪事先是總漕部院李待問應天撫按莊祖誨陳乾陽會題松江府推官徐日曦開復前降職級緣繇臣部如議具覆崇禎五年四月十五日奉

聖旨徐日曦准再復三級餘俟京邊銀解到再議本內署印前稱一月後稱一季是何不侔又暹抑終

身是何說該司官着回奏欽此欽遵臣不覺瞿然
增懼爽然自失臣以衰朽闇劣之身承乏度支
一切題覆皆臣之事則諸所未當皆臣之罪也
皇上不加臣譴責而第令司官回奏誠不啻

恩侔高厚矣除雲南司郎中潘永圖自行具疏回

奏外臣查徐日曦先以崇禎三年催兌折漕奉

旨降職五級崇禎三年漕事既竣伏蒙

聖恩准其復職二級仍俟新運完日再議今五年漕
事又竣總漕撫按疏至臣誠不得不如議具覆

也惟是元年京邊錢糧查叅降級先准該撫曹
文衡移咨開復而臣部回咨仍聽彼中撫按遵
照新例徑自具題及諸臣附入完漕疏中代題
原銀三千九百兩僅解到三千七百兩尚有二
百兩起解未到臣亦不敢代爲諱也徐日曦署
印日月久近臣部無可查考但查撫臣前咨內
稱上海京邊截日扣筭一季該三千九百兩有
奇徐日曦以司李攝縣篆隨巡查盤奔走不遑
實歷縣務不過月餘今次來疏直稱署印一月

故雲南司准邊餉司付文據原咨入疏蓋外稱
一月似除隨巡查盤而言而內稱一季實通論
署印徵糧之日亦勿欺之義也前項情節皆據
該司開報入疏今該司見在回

奏臣無容多贅也至遏抑終身一語則該司具稿
原無而臣看閱之際偶有點綴不過因撫按之
獎詡而過爲憐才緣資俸之已深而代爲乞

恩忽不覺其意圓而語滯激切而不倫矣案牘旣紛
倉皇無當臣愚當受失言之罪若諉之司官則

不在受也臣部諸疏雖經司官削藁多辭
自難立司屬之上且恐後日不便再爲商確其
所關於職掌者不細是用據實剖陳甘伏失言
之罪無以臣之愚昧而更累及司官則厚幸矣
謹同郎中潘永圖一并回
奏認罪伏乞

聖明鑒裁處分施行臣愚無任惶悚隕越之至

崇禎五年四月二十日具

奏本月二十三日奉

聖旨奏內事情知道了該司官已有旨卿部務勤繁不必代引該部知道欽此

覆餉司林玄造冊未明疏

題爲錢糧收除有道闕冊疑義可駭謹據冊摘述
仰質

聖鑒事崇禎四年十二月二十日戶科抄出管理新
餉戶部右侍郎周士樸題前事內開頃自去年
八月

皇上憂錢糧虛冒創爲逐月

奏報之法一時各鎮無不奉行惟謹原任山海餉
司林玄雖到任在去年九月初八日而經手收

於則自去歲七月始七月餉冊以隔於例未及
奏報今限滿交代於四年九月內續補去年七月
餉冊一本蓋爲考覈地也見今奉有照例考覈
之

旨臣取冊細閱內註本月舊管存庫銀五千四百六
十四兩二錢八釐一毫四絲二忽新收十宗共
銀十萬八千六百三十九兩八錢九分一釐五
毫三絲五忽合舊管新收論之見在之數蓋以
十一萬四千一百四兩九分九釐六毫七絲七

忽計也註支放者四宗共銀五萬七千四百四
十兩六錢五分一釐則開除之數亦應止此乃
開去銀七萬一百四十九兩八分四釐是多開
銀一萬二千七百八兩四錢三分三釐以致本
月應存庫銀該有五萬六千六百六十三兩四
錢四分八釐六毫七絲七忽之多者今止存銀
四萬三千九百五十五兩一分五釐六毫七絲
七忽反復思維不得其解迨查放款之後附有
一項奉文扣出七月分見在營分缺兵截日節

省等銀一萬二千七百八兩四錢三分三釐其數與前多開之數等或者本官未及詳察開於此乎獨不思此項銀兩已將五百八十二兩八錢二分給過七月公費工食草乾等項其餘一萬二千一百二十五兩六錢一分三釐收入八月作正支銷歸着各有其地聲說原自分明不知何故又牽扭一處混行開除繇前言之無放而輒銷七月之實在大受其損繇後言之未收而先銷七月之開除實居於重此在本官或自有說臣智識短淺不敢不聞之

皇上伏祈

勅下該司責令自行回

奏俾此項金錢確有着落所關於

國計不淺也等因開列數目具題本年十二月十

九日奉

聖旨這餉冊不明事情着林玄自行回奏本內開除款中有收過一項是何說着周士樸明白奏來該部知道欽此欽遵抄出到部隨該山海餉司林玄

回

奏前事內開臣自去歲九月到任接管七月分錢糧七月內有奉文扣出現在營分缺兵截日等銀一萬二千七百八兩四錢三分三釐此仍關門從前之規也至八月始奉

奏繳之

旨該臣倍加敬慎因定爲照依見在兵馬給以見在錢糧務求清楚故自八月以後并無扣出營分缺兵等銀之條款也因思七月扣出銀一萬二

千七百八兩四錢三分三釐除本月已先開銷各衙門廩工馬乾等項共五百八十二兩八錢二分尚存一萬二千一百二十五兩六錢一分三釐收入八月新收扣出營分缺兵一款之所繇來也逮臣一年任內收放事竣

奏報疏冊事亦竣至今年九月內纔追造去年七月之冊以補部科磨勘一年首末之數而此扣出缺兵截日等項所存之銀業已造去歲八月新收項內若非作開除其道無繇也且臣於七

月開除項下卽明註已收入八月作正支銷至
八月新收款內又明開一收七月分扣存缺兵
截日等銀一萬二千一百二十五兩六錢一分
三釐款項數目絲毫不異更無兩錢糧矣不然
臣去歲八月新收一萬二千一百二十五兩六
錢一分三釐既不從內部發解并不從各營還
官此銀從何而來乎七月委無放而銷八月能
無入而收乎七月實在委受其損而八月實在
明居其益矣總之此項錢糧收入八月

奏繳在先追造七月餉冊在後八月旣收七月自
不得不除并無重開除也竊念臣任內錢糧前
經總理內臣張彝憲已稱林玄一年任內收放
數目相符繼因無馬兵丁扣裁

皇上着臣堂官畢自嚴等回

奏內又開一年收放數目明白已奉

皇上林玄着照例考覈之

旨矣今臣右堂官亦諒臣心實無他第以錢糧重事
命臣自開奏於

聖明之前而臣右堂官管餉之責始盡而錢糧始無
遁情矣伏乞

皇上洞矚俯從寬釋臣右堂官疏後列七月項款臣
疏後并列八月項款單執七月以責臣臣迹未
剖必合七八兩月以求臣臣無不白之心矣等
因本年十二月二十九日奉

聖旨該部覆覈具奏欽此欽遵抄出到部該臣咨行
山永巡撫確查去後隨准山永巡撫丘禾嘉咨
稱移行管餉劉主事將林餉司任內錢糧自二

年七月起至四年七月止收支數目備造冊摺
送院詳查去後今准回稱林餉司接管二年七
月分起所有本月扣出缺兵截日節省等銀一
萬二千七百八兩四錢三分三釐除支五百八
十二兩八錢二分湊給各衙門公費工食外尚
存銀一萬二千一百二十五兩六錢一分三釐
因八月間奉有奏繳之

旨遂將前項扣存缺兵截日節省等銀入於八月新
收項內其所扣前銀卽係七月實放各營餉內

應扣缺數之銀原非別項官兵廩餉等因回覆
前來准此爲照三年七月分開除之下有扣本
月分見貯缺兵節省等銀一萬二千一百二十
五兩六錢一分三釐未載附於實在項下故部
堂駁之誠是及閱八月分款項前銀已載入新
收似無別情等因回咨前來該臣復委山東司
郎中張鵬翀山西司郎中魏公韓廣東司郎中
胡之竑雲南司郎中潘永圖江西司郎中李公
門貴州司郎中聶明楷共六員公同查勘去後
續據覆核無異具繇呈報到臣該臣等看得山
海餉司林玄七八兩月收支數目其餘皆符止
七月開除項下開銷扣缺等銀一萬二千七百
八兩四錢三分三釐除給放過廩工馬乾等項
銀五百八十二兩八錢二分多開銷銀一萬二
千一百二十五兩六錢一分三釐無放而開新
餉堂駁之誠是也及林玄回

奏則以爲開於七月而收於八月亦復有詞仍
下臣部覆覈而臣等未敢以臆決也先咨山永撫臣

丘禾嘉查議前來又委本部司屬六員會同磨
筭僉謂開除於七月者新收於八月銀數原自
不差造冊殊欠分明臣等復查此一項也一經
駁查而頭緒始出再經合查而疑竇始破其七
月分所多開除之一萬二千餘兩卽八月分所
新收之一萬二千餘兩也先除後收似屬混淆
乃除而復收亦無埋沒臣等不敢以萬金之餉
扶同開銷亦不敢以造冊之訛坐以侵漁然八
月

奏繳於前而七月追造於後則開收之顛倒亦自
有繇緣

奏繳始於八月故先造八月之冊已將此項扣存
銀兩開入新收項下逮差滿考覈補造七月之
冊遂不得不以此項造入開除項下耳總之此
項銀兩在七月應作實在不應作開除在八月
應作舊管不應作新收惟其四柱安插未當是
以磨勘數目不符若非合八月而詳覈之本官
將何以自解除將原冊四柱改正外案查崇禎

三年九月內臣部題爲按月

奏報宜核其原等事奉有開註混淆官胥一體罰治之

旨相應厚諒其無弊而薄責其偶誤本官罰俸三個月書胥責革用示創懲者也既經查明相應覆請恭候

命下臣部移文吏部并該撫及該餉司遵奉施行

崇禎五年四月二十二日具

題本月二十七日奉

聖旨錢糧四柱最易明白林玄除收參差豈無情弊何得止以造冊未明爲辭還着從公研覈不得庇徇周士樸前參後避今又合辭申雪是否確見着另行回奏欽此

再覆餉司林玄冊籍偶誤疏

題爲錢糧收除有道閱冊疑義可駭謹據冊摘述
仰質

聖鑒事該戶科抄出該臣部題前事覈覆山海餉司
林玄崇禎三年七月分餉冊收除錢糧緣繇本
年四月二十七日奉

聖旨錢糧四柱最易明白林玄除收參差豈無情弊
何得止以造冊未明爲辭還從從公研覈不得庇
徇周士樸前叅後避今又合詞申雪是否確見着

另行回奏欽此欽遵抄出到部查得林玄七月餉冊收除不明以致新餉侍郎周士樸摘述具題駁令本官自行回

奏迨林玄遵

旨回奏奉

旨下部覆覈臣等未敢以臆決也咨行山永巡撫丘禾嘉備查前來猶未敢遽信復發堂諭遴委司屬郎中張鵬翀等六員公同磨勘內諭開山海餉司林玄支銷餉冊錢糧內有一萬二千餘兩

開銷未明致蒙右堂駁查具題

下部雖經移文關永撫院查來似尚未甚明晰夫兵餉至一萬二千餘兩若果開銷混淆罪胡可貸而司計者代爲扶同是不忠之大者豈可容於聖明之世乎若止造冊差訛原無染指其間則又不敢以人之身家功名冥冥決事也然其始末總撒總不出於原冊之內合行多委司官將山海餉司原來文冊公同查勘曰是曰非矢心

天日如錢糧果有短少卽當速行摘發明正其罪如果

無弊亦當亟爲昭雪毋得含糊兩可

天地在上鬼神在旁本部與各司屬皆着一毫愛憎不得完日開具勘明緣繇仍取具連名甘結以憑入

告等因隨據郎中張鵬翀等公同具呈回復內稱職等查得餉司林玄七八月分管收除在銀兩數目俱打筭明白其所可疑者不過七月分扣存一項止實開除五百餘兩乃將一萬二千一百餘兩俱作開除是七月分委分開一萬二千一

百餘兩矣然八月分新收在收入此項則多開於七月者多收於八月開除之銀仍有著落止爭七八月分造冊之顛倒耳職等復疑名雖開除扣存之銀而實開除管收之銀恐有藉端混開情弊及查本官八月以後冊及接管餉司劉孔敬冊將扣存銀兩俱作開除始悟扣存之銀卽於管收之中扣出得名非在管收之外也特別月扣存扣出另有開銷乃實開銷也七月扣存扣出仍未開銷故七月旣開而八月仍收也

度支奏議
反復推求本官造冊偶誤錢糧不差之故正自
了然葛藤可立斷矣等因回復到部臣等方始
據覈題覆今奉還着從公研覈之

旨除臣同官周士樸另行回

奏外臣等復加研覈看得林玄七八月分收支之
數別無疑竇止七月分開除內有一萬二千一
百餘兩原未開銷而謬作開除臣始閱至此亦
頗疑之及閱至八月新收款內前銀又經收入
則七月開除之銀始有着落祇緣八月

奏報之冊在先七月補造之冊在後既收於八月
自不得不除於七月順數之不免顛倒逆推之
亦自分明四柱之不明在此錢糧之無不明亦
在此也卽欲擬覆復思萬金之餉何等關係萬
一識見不到誤被朦朧罪可勝誅尋復行查關
撫而關撫之回咨與臣見同也又復委查六司
而六司之推筭與臣見同也於是質之臣同官
周士樸亦始疑終信與臣之見無以異也蓋同
官周士樸職在覈餉一字之疑必以入

告自是其詳其慎味其原疏亦云無放輒銷本官或
自有說請

初自行回

奏原未嘗參其有何情弊也卽臣等謂其冊籍偶
誤者亦原諒其顛倒有因非故行混淆也特以
錢糧之事難以寬假故議罰俸三月不得不爲
法受過耳如有情弊屢經中外諸臣逐一推敲
誰肯舍其身家性命以徇人者而委曲扶同亦
臣同官周士樸之所不任受矣原冊兩經錄呈

虞慶伏乞

聖明垂察施行

崇禎五年五月初七日具

題本月十二日奉

聖旨知道了林玄姑着罰俸五月造冊書役着該撫
提究欽此

回奏知府曾按歷履偶誤疏

奏爲微臣勿遽致誤謹據實奏明乞

恩認罪事先該臣部題爲微臣離任四年輕齎株連
忽及等事內覆武進縣侵欺錢糧將原任常州
府知府曾櫻武進縣知縣羅華袞各降級緣繇
本年六月初七日奉

聖旨錢糧考成例屬該部至以侵欠議處事關官評
應聽考功羅華袞等還着同吏部確議奏奪其侵
沒銀兩脫逃各犯依議責成見任各官勘追嚴緝

勒限完解違者察治曾櫻是否告病回籍着該司
官奏明欽此欽遵抄出到部臣捧誦

明綸不覺爽然自失夫六曹分職臣豈不念考成事
歸臣部官評應聽考功敢以司計之身而越銓
衡之俎第因錢糧侵欠上損

國課前

旨着分別議處原未奉有會同吏部字樣故寧嫌怨
弗避無敢推諉即行冒昧覈奏耳除即移咨吏
部見今會同確議另奏外至於曾櫻告病回籍

一節備查當日雲南司案呈於曾櫻羅華衣俱
量擬罰俸薄懲且詞多輕婉臣以事關錢糧恐
非

皇上議處垂戒之深意不欲漫徇中間多所點竄改
定議將二臣各降二級以爲覺察不早出納不
慎之戒忽憶崇禎二年十月曾櫻已經回籍原
係守制臣悞以爲告病不知於四年十二月已
起補福建按察司副使矣事在吏部且屬遠省
藩臬臣未及知第據其向實回籍遂謂於起補

日降職二級殊不自知其悞也臣所失者在以
守制認爲告病以起補仍稱回籍緣前後之記
憶未真致曾櫻之出處失實總在失咨吏部未
究顛末夫誠何所辭咎哉若此事而委係該司
臣斷不敢曲爲徇庇以虧率屬之義今旣出自
臣手臣亦何敢妄爲諉卸以貽分過之譏臣祇
有席藁待

譴而已乃臣於此而竊有感也夫人神王則百千之
管攝俱周氣衰則咫尺之疎舛立見曾櫻在籍
與否雖係日久偶誤實因繁冗之際匆遽具疏
不復詳核致有差謬詎非蒲柳之質不能每事
精核之一驗哉臣滋懼且愧矣旣奉

明旨致詰臣不敢徒令司官回奏益重臣罪謹據
上

聞以盡臣子勿欺之誼伏乞

皇上鑒察失繇於踈過非其遂仰徼

寬宥之恩則臣愚幸甚矣臣不勝惶悚待
命之至

崇禎五年六月十四日具

奏本月十七日奉

聖旨議處官員豈得不查履歷輕率入告明係司官
朦誤還着自行回奏卿不必代爲引咎該部知道
欽此

覆營聞缺額扣糧還倉疏

題爲春操已歇直述選練情形以俟

聖鑒事崇禎五年五月十三日戶科抄出暫署協理
京營戎政兵部左侍郎楊一鵬題前事內稱計
六副將所練二萬四千人內有選鋒五千餘名
皆食雙糧壯丁二千餘名食一石五斗此二項
應無辭于勞勩其餘一萬六千餘名皆遴選各
營每月食糧一石之軍且此一石糧有粟見錢
有季見錢種種陋規實到軍士之手不過五六

斗耳一身着役八口待哺卽卯入辰散猶若跂足不能少待焉臣竊以爲同一戰兵同一操演食糧不應懸殊若此今縱不能比照選鋒亦當企及壯丁大約需糧九萬餘石此時司計攢眉糧於何措查軍選歷年倉扣不少自製籤以後杜絕七十八衛所隱冒之弊糧之扣存亦復不少兼以軍丁係隨衛支米是以給籤關領然據三大營投到五月分實在軍馬文冊臣細閱之除選壯在營造冊無庸給籤外軍丁原額九萬二百八十一名今實在止八萬二千一十九名缺額八千三百六十二名則存糧亦當有八千三百六十二石一月如許以一歲計之實存糧十萬二百四十四石或有事故開伍或有冒名虛耗是在有心計下糧廳極力清出以濟窮軍亦一不費之惠也營軍糧薄應免改折而馬料尤不宜折色臣入營馬軍訴缺糧四月矣安望其飽騰乎等因其題奉

聖旨營務廢弛皆繇將領各官侵削多端養練無法

據奏戰兵內月糧一石較選壯已薄復有票季等項陋規實惠幾何馬軍缺糧日久何故不給軍額懸缺數多何故不補歲扣存糧約十萬餘石收歸何處有無報官犒賞原資鼓練公費既已半耗中軍又復侵肥至于扣賞抵欠尤屬不法且營庫槩無查盤錢糧任意朋染是何典制材官例應公選何得信私濫用種種朦蠹情弊總提何無清釐巡視何無糾舉官守安在楊一鵬循職陳言留貲充賞具見公慎本內核冒加糧八公選查盤等事俱着

逐項核奏其嘗守仁李復陽童仲慄楊弘吉倪竈楊應奎一併查明議處額軍存糧着下糧廳官奏明該衙門知道欽此欽遵隨該臣等查得細閱協理疏開三大營軍丁原額九萬二百八十一名今實在八萬二千一十九名缺額八千三百六十二名則存糧亦當有八千三百六十二名及查下糧廳各衛所投存五月分平頭冊內開載除官吏婦女襍役等項外見食糧營操祖募軍共八萬八千八十五名營操新兵共二千七百

七名通計九萬七百九十二名較之協理所題
原額之數已溢四百一十一名比對數目互異
其中不無隱冒但下糧廳所司惟知按冊給糧
軍之操與不操無繇而知令行會查爲此合咨
協理衙門煩爲備查三大營軍額九萬三百八
十一名係據何年月軍數今止實在八萬二千
一十九名要見某營某營各實在若干其缺糧
之故原起于何年月中間月糧有無侵冒情弊
希爲查明咨示以憑回

奏去後隨該協理衙門回咨內稱查得原題之數
係三大營投到五月分文冊而缺額之故已嚴
限催取投到但缺額內有充部標充火器營軍
士此二項見在京營操練食糧乃各營拔去而
空名仍存於各營則不應作於缺糧之內其回
衛等項旣作營操安得食糧筭於京營之中此
項當筭京營缺糧者也今將缺額文冊原題實
數文冊一併封送爲此合咨煩照咨冊事理逐
項磨對明白回

奏等因准此又該臣部備行福建等司及太倉銀
庫與巡青科院詳查京營馬匹本折料草何日
給發續據管理銀庫員外郎劉彥回稱三大營
崇禎五年正月分料草銀一萬一千一十兩零
於五月十六日委官鄒應登等領去訖又准巡
青科道馬思理等回稱三大營崇禎五年二月
分料價銀六千五百九十二兩零於五月十七
日委官劉應嘗等領去訖又據京五草場監督
江之遠王淪初回稱三大營崇禎五年三月分
本色草束於五月內給放訖又據錢法局主事
高鳳翔回稱三大營三月分馬乾例支

制錢蒙本部批舊例三大營馬乾每月僅一萬一千
餘兩耳乃三月分突增至一萬六千餘兩仍移
文駁查間隨准管理銀庫員外郎劉彥手本會
取

制錢七百四十七萬四千四百三十六文值銀一萬
一千四百九十九兩一錢三分二釐四毫四絲
四忽於六月初一日給發三大營委官孟會真

等領去訖尚欠

制錢三百五十萬文值銀五千三百八十四兩六錢
二分六釐八毫八絲六忽續准協理衙門覆查
無異委係新增馬匹陸續幫支之數見在找給
等因又據新任下糧廳員外郎孫陞呈稱本廳
職掌驗糧姑以其槩陳之如各營副參遊佐等
官養贍家丁尖哨口糧俱繇京營總協督捕各
衙門批准明文到廳然後驗收各衛所指揮千
百戶等官及優養婦女繇五府兵部給有劄付

然後驗收各倉場官攢繇吏部給有叅票又有
京通二糧廳手本然後驗收營操募軍先繇總
協衙門批准告補續該京營科道并驗軍廳齊
集射所會驗各軍膂力武藝當堂給票然後驗
收巡軍祖軍襍役等軍先繇職方司并督捕廳
據各告補查對軍冊是實取具該衛本管千百
戶結狀方行給票本軍仍赴驗軍廳驗准方投
職廳驗收守衛紅盔等軍先繇兵部車駕司給
有糧票然後驗收各監局匠役繇工部清匠司

給有手本投廳然後驗收光祿寺太常寺厨役
繇禮部等衙門割付又有廣西司付文并典簿
廳手本然後驗收錦衣衛旗較力軍繇本衛堂
帖及兵部車駕等司并驗軍廳驗准然後驗收
以上各員役仍取具各衙門印信手本備開頂
補名缺年月遵照

欽定日期每月初八初十十二等日赴廳投驗本廳
查平頭開除姓名相符方准收糧卽日當堂發
文各員役仍賞回該衙門收造名糧例于每月

十七日投平頭文冊查對新收開除事故衛分
數目磨勘無差然後照數坐糧是驗糧雖係職
廳必先繇經管衙門查確而後職廳驗經管衙
門信票耳至於各軍事故該營移文該衛作缺
開糧一面呈報驗軍廳查覈復移職廳互查或
坐糧先期難以見月扣米是以有臨倉扣除之
例衛官先赴該倉監督遞有倉扣本倉官攢出
有倉收該管乃執倉收赴京畿道查刷于次月
平頭開除蓋因坐糧在先事故在後將米扣存

在倉職廳隨覈實在數目其事故軍糧後卽不行坐給非軍故于二十餘年之前與一二年之後而每月猶坐軍糧仍扣存于倉也等因各到部相應具覆該臣等看得

京師軍儲有限營衛供億無窮臣部備查今日官軍匠役食糧之數共計二十五萬一千八百有奇視之萬曆四十六年所浮已近三萬是每歲已增米三十餘萬石矣臣部誠惴惴焉懼一歲之所入不足供一歲之所出也今署協理楊一

鵬之疏則謂三大營軍丁原額九萬三百八十一名今實在止八萬二千一十九名缺額八千三百六十二名則存糧亦當有八千三百六十二石欲求增爲戰兵之用及查臣部各衛所掇到五月分平頭冊見在食糧營操祖募軍共八萬八千八十五名又新兵二千七百七名通計九萬七百九十二名較之協臣所題原額之數已溢四百一十一名數目互異移咨詢問續准咨回缺額實數拔補回衛二冊前來乃知缺額

諸軍有見充部標者六百七十八名有見充火
器營者二千九十六名以上俱見在營操練卽
協臣回咨亦謂不當在缺糧之內者也有拔入
四衛營操者七百七十二名有改爲

慶陵等陵護衛者六百八十九名此項軍士雖不宜
筭入京營之中然亦未嘗不食原糧而不得輒
以缺論也以上四項共計拔補回衛見在食糧
軍四千二百三十五名若照原額之數尚欠四
千一百二十七名但協臣所稱原額不知起於

何時然查京營選鋒食雙糧者自萬曆五年起
今漸增至一萬五十七名卽萬曆四十六年尚
止八千七百六十名今已較多一千二百九十
七名月計增米一千二百九十七石歲計便增
米一萬五千五百六十石矣京營壯丁食一石
五斗者肇自天啓初年今漸增至七千一百七
十三名月計增米三千五百八十六石歲計便
增米四萬三千三十八石矣及查協臣缺額懸
糧冊內有萬曆三十三等年事故者有天啓元

等年事故者有崇禎元等年事故者俱扣至崇禎五年四月止共懸糧軍三千一百二十四名扣筭存糧才一萬三千五百一石槩作在倉存糧夫事故各軍但據各營衛開報下糧廳隨卽查照開除扣糧在倉原未另貯總督倉糧每季彙冊報部若未經扣除者必原未開報者耳下糧廳每月坐糧但據各衛平頭冊非能以意爲增減也通計營衛及各衙門食糧之數但覺有增無減且減於此或增於彼而謂食糧尚有餘

地乎先是

皇上因見京營官軍玩愒委靡議增戰兵之額每操合選鋒壯丁共爲二萬四千名欲精較練以備折衝禦侮之用協臣因一軍而二三其糧操同而厚薄頓異故欲覈餘糧以示優卹自是鼓舞振作深心但俱改壯丁增餉不貲似難言之倉庾方匱一增則不可復減臣故鯁鯁然慮其卒也若從今爲始三大營內著爲定額特加清覈再有逃亡事故名缺扣除不補卽以增給戰兵

之糧則便計矣至謂營軍糧薄應免改折一節查在京官軍惟錦衣衛不支折色其餘官軍俱支米折兩月原係

祖制比歲臣部因京倉不敷曾議支折四月新議仍支折三月總之因時酌濟而非敢膠執其間耳營馬料草惟二十兩月舊例支給本色係巡青錢糧餘月俱支折色係太倉錢糧太倉近因鹽課不至外解愆期卽各邊年例槩多壓欠而欲京營馬乾按月支給誠力不贍也查今歲春月已

補發去冬兩月今又發過正二三月矣惟二十兩月料豆京營欲支本色臣部因召商買辦旣擡高價復多侵漁繫獄纍纍追逋不前曾於崇禎二年夏月與總協會允崇禎三年正月題奉欽依改給折色十月每石五錢二月每石六錢視尋常折價四錢者亦自不薄但京軍猶以料貴及隨手花費爲憂此協臣所以有言也今查

京師七十八衛原有屯豆一項收入太倉其數在萬石之外近因虜倣頗多蠲免餘亦拖欠未完

此後責成該司會同屯院嚴加追比務於春月
豆貴之時給京營本色馬料一月至於十月仍
支折色或以五錢爲廉不妨量加五分亦所以
示優厚而資飽騰也此事原應下糧廳官查奏
第前奉

旨之日適下糧廳員外郎高鏘物故之時嗣雖題差
員外郎孫陞而事體尚未諳習臣部不得不爲
據實具奏以聽

聖裁者也

崇禎五年六月二十日具

題本月二十五日奉

聖旨選壯一萬七千有餘易弱拔精便當盡入二萬
四千之內如何止用七千又欲分外增糧至原額
之始併見數太懸還着楊一鵬奏明兵旣多缺額
糧廳扣存倉倉歲約若干曾否報部還明白奏來
不得於京營之外通融牽筭以有增無減爲辭欽
此

再奏歷履偶誤不繇司官疏

奏爲再陳偶悞之因非係司官以明臣義勿欺事

崇禎五年六月十八日戶科抄出該臣奏爲徹

臣匆遽致悞等事本月十七日奉

聖旨議處官員豈得不查履歷輕率入告明係司官
朦悞還着自行回奏卿不必代爲引咎該部知道
欽此欽遵抄出到部臣捧誦

明綸深感

天恩除赴鴻臚寺報名

廷謝外然循省始末愈覺跼蹐不容不據實再剖
非惜一司官而曲庇之也

聖明飭治首重懲欺臣子致身道先去僞使疏果出
於司官之手臣固不敢輕爲攬承今稿實成於
臣之手臣亦何容輒爲諉卸若上悚

天威而隱默自全欺孰甚焉僞孰甚焉臣幽獨盟心
萬萬不敢蹈此也前者議處原任常州知府曾
櫻臣一時悞記以守制爲告病以起補爲在籍
原稿改竄現存止因字畫潦草不敢上塵

心覺耳蓋緣各司題覆疏稿未必盡歸於當經臣筆
削刪定者實多惟是以衰颯之質當匆遽之際
未暇查考致有註誤其何辭於

譴謫如今司官分過則此後司稿臣不敢點竄一字
而湯職滋甚矣過不在司臣不難於

君父之前直認譽尤司若悞事彼又安望於

功令之內巧逃罪責臣所爲據實再陳自附於矢
公率屬不欺不僞之大義也見今司官潘永圖
自行回

奏伏望

皇上仍以詿誤譴謫加於微臣之身而無波及司屬則及躬可以不疚其邀

恩於浩蕩者彌深且厚矣臣無任悚息待

命之至

崇禎五年六月二十六日具

奏本月二十九日奉

聖旨覽奏知卿記憶偶誤以後還宜詳慎不必引咎該部知道欽此

草場失火席藁待罪疏

奏為草場災生意外臣部管尤難追謹席藁待罪

仰祈

聖鑒事頃者北新西城二草場於六月十六等日相

繼失火臣等聞變纓冠疾趨赴救焦頭爛額撲

此燎原雖餘梁幸保無恙而芻牧所損已多臣

等業將監督主事江之遠王淪初等照例查叅

次第入

告矣臣等曲突有心銷膏無策連日束躬靜聽

處分近聞監督江之遠王淪初同巡青科道馬思理
高倬及官攢商役俱從

逮治竝下

詔獄而臣等獨徼

寬政雖荷

皇上垂情敝履曲賜包荒而臣等撫躬循省震懼

大威實覺覩面疚心無地自容竊念今歲買草之役

臣等屢經申飭預請截支惟以早竣厥事用備

軍儲爲快不意適丁二年會商之會新舊觀望

召買有稽又當巡青科道衙門需次更代會收

愆期往歲四五月間率多亢陽今歲偏值多雨

會收上梁之期并未報部臣等不能料其陰晴

但五月中旬以後適遭陰雨連綿鎮日滂沱則

霑濡滲漏自所不免乃監督官攢人等徒知焚

如之性逢燥則炎祝融之燄遇水易滅祇以濕

漏爲憂未爲蘊隆作計敢謂鬱攸告變實繇人

謀不臧蓋陰陽相尅之理千古不移而水火互

薄之機片時叵測誠共狃尋常之已事而未解

倏至之奇變也逮醞釀既成則轉徙爲難而撲滅不易嗟何及矣臣等總持財賦遵循舊章各處草場不過時嚴譏察防範之文時考完欠收成之數以爲各有司存可保無虞而如此非常變態非匍匐救焚足跡及場亦烏繇而知之哉雖事有專職而總歸臣部倉場之事皆臣事也監督等官皆臣屬也臣等叨爲計部之長不能督率臣屬克愆厥事蓋藏無法旣誤於先撲救不時又失於後庸碌徒糜智慮未周溺曠之辜百口奚文至在監督職掌所關自難逃於疎虞之咎若巡青馬思理高倬二臣統轄頗廣受事方新一則任僅踰月一則任僅旬日雖有清釐之心難奏周防之効茲奉

譴訶似屬波累想在

聖明自有洞照而非臣等敢代爲饒舌者也伏祈皇上俯賜鑒察先斥臣等以爲率屬無能之戒庶法之所行先自臣等大僚始臣等卽爲法受過固怡然甘之矣臣等何勝席藁待罪惶悚戰慄之

至

崇禎五年六月二十八日具

奏七月初二日奉

聖旨已有旨了部務殷煩卿等提挈大綱但須飭屬勤職不必引咎該部知道欽此

查議舊餉雜項考成疏

題爲舊餉入數原訕時勢復益其窮謹備陳目前艱難之狀并預籌接濟通融之策仰祈

聖裁事先該戶科抄出該臣部題爲懇發京運銀兩以濟軍饑以便勦寇事題覆宣大山西給發年例緣繇崇禎五年六月十五日奉

聖旨這餉銀依議借給著刻日解發其塩課外解未到酌著嚴檄督催違玩者叅來處治邊警方殷該部還宜詳籌預計以濟急需不得漫無經畫但以

度支奏請
那移爲長策欽此欽遵臣等捧誦

明綸皇悚無已除宣大山西軍餉卽時那借解發外竊照舊餉之一出一入有成數焉入不能取盈出不能縮額也每年自輕贖漕折之外歲出爲京支邊支者共該銀三百九十七萬八千二百五十八兩零歲入原額如京邊鹽課贖罰等項及議補缺額如汰冗會議賦役等項共計銀三百八十六萬六千五百二兩零其入不敷出者尚缺一十一萬一千七百五十六兩零已經備

列于舊餉出入大數疏中悉蒙

聖鑒茲不敢贅矣臣等日夜皇皇相對錯愕方追念已虧之數欲補無籌尚幾幸外解之來如額勿缺猶得牽前補後支持旦夕詎料萬難措手之時忽有意外禱出之症若不預計熟籌如

聖旨所謂漫無經畫者此日束手無濟將來噬臍何及用是瀝血披陳謹述目前艱難之槩仰瀆

宸聽凡九邊所出悉賴四方所入查各省直歲解爲數獨多且近而易致者莫如山東總計該省京

邊汰冗等項額解共銀五十五萬四千四百餘兩邇以叛賊猖獗齊魯剝膚當茲寇在門庭情同風鶴臣部催督不前坐令五十餘萬金錢頓成畫餅舊餉歲入幾何能堪此大缺陷乎此一難也兩淮舊課六十七萬三千三百餘兩原議每季一解以濟軍饑屈指今歲閱兩季矣催頴凡禿解報杳然或商困而輸納不前或供新而舊課日縮事在彼中皆不可問并山東運司舊課五萬三千三百餘兩亦因登萊蹂躪半屬烏

有夫塩課居造餉三分之一其能堪此又虧延乎此二難也各鎮餉司缺曠節省之數皆部發額餉之所留也歷來凡有節省報到卽照數扣抵年例臣部入數所缺之額稍藉以補不逮邇來各鎮督撫多請留爲買馬製器之用甚至與臣部爲難如取諸寄而臣部反不得伸其職掌以竊餘潤旁漏如此餉安得不虧此三難也夫以百萬而並失望于一時三難而忽湊聚于今日逢年之想已不能得之三秋無米之炊亦安

能責之巧婦遂致薊密永昌易五鎮原題每月一發今越兩月餘無可發也宣大延寧等鎮原題每季一發今夏季已終無可發也緣一季中合美京支邊支須得百萬乃能分給自山東額解無望並准課季解不前兩者虧缺太甚縱外解偶至亦寥寥晨星何從設措此皆五日

奏報屢呈

御前可一覽而瞭然者也臣等每一思維神魂弗守寢食俱忘除東省舊餉臣部另疏題催淮課近

報有三十餘萬見在登舟未卜抵京何日已差官守催訖此外預計何術詳籌何方疾呼可虞供億宜脩乃於千思萬想之中不得不為挹注權宜之着查得新餉搜括欸中有原係舊餉分內而今仍當移為舊餉用者凡得四項如科臣汪始亨酌盈濟虛一疏條議屯田照民田起科該臣部題覆據各省直開報共得銀十餘萬兩今為舊餉用者十一為新餉用者什九中間有三四五年分起科不同槩未起解但屯田原屬

舊餉似當歸入舊餉者也。如萊州原任守備楚邦禎條議民屯故絕官軍錢糧據各省直開報除留用外共得銀六萬餘兩雖從遼事起見措爲新餉之用但中間有三四五年分起科不同多未起解亦當歸入舊餉者也。河南永城唐縣裕州內鄉息縣五處每畝九釐新餉徵派久矣後乃稱苦稱累至崇禎三年撫按具題減免九分之三共減派銀二萬三千六百一十四兩六錢四分四釐而以賦役全書裁汰之銀補之夫

此五邑者若果災疲自當於新加三釐內量減何必議補卽云新餉應補亦宜別有設處何得取之賦役所當行文該布政司另行搜括抵補其賦役裁汰仍應歸之舊餉者也。兩淮黔塩每年五萬引課銀六萬五千兩先是塩臣以爲不可行繼而楚黔督撫皆以爲可行雖將來通塞不可知目下已著爲定額矣夫淮課新餉業已增至六十一萬八千五百九十餘兩則此黔塩一項自五年爲始改歸舊餉亦可以爲補濟者

也。蓋新餉告急，普天同憤，自不得不爲新餉區處。今新餉較舊餉稍堪支持，又不得不就新餉款目中擇其不碍于出入大數者，稍爲淘汰，裒益移資，舊餉俾新舊二餉有相成而無相戾，亦便計也。有原屬舊餉而細數未清，考成未立，人情視爲可完可欠之物，未能如期徵解，急當附入考成者，凡得四項：如裁汰冗官冗役之議，創於御史馬如蛟等，而臣部題覆通行省直，共報銀一十三萬三千一百六十六兩零，此舊餉款也。如崇禎二年，臣部因舊餉匱乏，請

旨會議，共得二十款，通行省直，共報銀二十萬二千一百四十六兩零，此亦舊餉款也。賦役全書內裁汰銀兩，創始於科臣劉安行、臺臣劉士禎，臣部催取省直全書到部，該左侍郎康新民、督同司官通行磨勘，共得銀三十九萬一千九百六十兩零，此亦舊餉款也。三項搜括未久，省直迄未認定，且汰冗混於賦役之中，會議內有南馬協濟，近歸兵部，以此俱無清數，是宜勒令撫按

責成司府速行查明承認具冊報部確有着落
每遇歲終臣部照新餉雜項例附入京邊之內
一體考成叅罰乃可實作入數耳至於各省直
撫按贓罰歲該銀十萬二千七百五十兩四錢
往往以差滿候代積累空月爲詞臣部前已具
題擬照鈔關事例論年不論差雖在候代俱作
實歷前人所逋後人帶補夫諸臣方以捐助之
舉自効急公乃獨於額內而前後互諉竟至落
空耶臣部每遇年終通行臚列完欠數目上

聞則多寡完欠之相形而榮辱生焉人之欲善誰不
如我自躍躍爭先矣有原係臣部舊餉欸內而
誤解兵部今當亟還者一項班軍隸之兵部然
折半充餉則屬之臣部此崇禎二年會議題奉
明旨者也今查班軍折銀南直山東連年有誤解兵
部者三萬餘兩兵部見收在庫臣等曾與樞臣
面請之矣其已收者仍當發還臣部充餉此後
有混解者萬勿混收斯足彰信會議之
明旨且亦同舟共濟之佳事也若夫諸項接濟之外

更議通融者一項蓋舊餉至今一缺再缺如水已無源流安從濟而邊鎮額餉豈能終懸查得崇禎四年正月內

皇上洞見舊餉之窮

慨允於輕賚銀內每歲動支十萬兩以補邊餉缺額乃四年止得五萬兩五年止得七萬兩近日雖有那借仍當補還緣新有每年米折三月之說故不敢仍執原額但東省缺餉適值其窮似當仍行照數支用以濟危急此外遇有贏餘仍許

權宜通那以待補還如三月米折不敷不妨別有區畫且新餉所借去者亦可次第湊補是亦山盡水窮時一線之路俾臣等不至持鉢無門者也臣等披瀝至此總爲時事倥傯額餉鮮絕望情面難顧苦心調停聊爲補衲綴衣淘沙揀粒之計卽不敢謂如取如携庶不致如

明旨所云慢無經畫者非敢徒勤呼籲而已伏乞皇上垂憐目前艱難之狀

持賜俯俞暫爲接濟通融以待東省之清平與鹽課

度支奏請
之飛輓但求無誤軍

國大計則九邊之福而臣等之幸也臣等無任惶

悚籲

請之至

崇禎五年七月初八日具

題本月初十日奉

聖旨舊餉係從來定額如何輒稱不敷新餉有餘屢
旨着積存以備大用豈得僅供紆急漫議改那本
內考成各項依議飭行其搜括款中稱原係舊餉

分內是何說還着奏明候奪折班銀是否悞解着
兵部具奏輕賚銀姑准支用仍卽補還該部還當
清逋釐溷務期出入相符轉輸不匱毋得但思權
宜有妨長計欽此

